

萬國分類時務大成續集

五洲近代政治攷卷九

官制考

歐洲設官大略

英法義比等國辦事亦各分厥部。每部設一尚書。有內部。戶部。學部。兵部。刑部。工部。藩部等。尚書內。部即吏部。學部即禮部。藩部即理藩院也。又有外部。海部。中國近亦仿照其意。已設總理各國事務衙門。總理海軍事務衙門矣。又戶部之外。有農部。頗見重農之意。外部之外。有商部。殆由中國之通商大臣。惟在內。在外之不同耳。印度部。尚書軍機處。尚書。惟英國有之。又英法義等國。有郵部。尚書。凡國有所謂鐵路。驛遞。電報部者。核其義實。即郵部。近年各國。以此為要務。故特設專官。世襲之爵。亦有五等。譯者即以公侯伯子男稱之。惟俄德等國。有君主之全權者。五等之上。又有王爵。王有二等。無異親王。郡王之分。丞相祇有一人。往往有以首相而兼一部尚書者。或內部。或外部。或戶部。或兵部。各視其時所重而兼之。亦與中國相彷彿。惟出使一途。係屬專門。隨員可升參贊。或總領事。參贊總領事。可升公使。亦有由外部侍郎。及總辦出為頭二等公使者。有由宰相外部尚書。出為頭等公使者。有由侯伯等爵。簡授頭二等公使者。必視其嫻習外務者而用之。亦間有以王爵公爵。而充參贊隨員者。則以其自願。借途以資歷練也。

西國官俸

官俸大僚。自萬五千磅。至千五百磅。而差小吏。至少以二百磅為斷。任重職繁者。俸多。任輕職簡者。俸少。

西國易部長不易部屬

部屬由部長自辟。率以積年勞加薪俸。每有終身於其職。易部長而不易者。故其志

定望穩資勞多能守公奉法

西官無陋規積弊。地方開河造橋。接鐵路。續電線。修馬路。街衢。溝渠。安設自來水。築興工之事。多由其地商民鳩財。舉並自訂章程。工部考其章程利弊。估其工程經費為之限年而立稅。則令商會自收其稅。而分幾成納於國家。其遠地則各處工執官。代工部官察估工。其歸官辦者。惟炮臺船塢耳。平時講求於工執院。工程材料。皆有簡稽。無從侵剋。地方有司。任輕事少。不司公款出納。故無中國各局。乾沒州縣陋規積弊。

西國刑官由律士出身 刑名官由律士出身內自刑部大臣至刑曹諸司外自巡按至李審官不出此途皆命於國家而進於學校由學校考成為律師或由官舉為刑司李審等官或由民舉為各邑審事官皆必采聽其人在學校資望以為薦格或竟由學推舉為國家律士凡聽訟審官必有國家律士佐之舊譯以為訟師一字之蒙違無從推考其治法失之遠矣

西國刑官分上下審事院 刑官之制分上下審事院理國家官府議院之訟及訟獄之大者有君主審事院議院審事院戶部審事處兵部審事處戶部審事處海部審事處皆刑曹官為主各曹官會鞫國家律士佐治之下審院理民間訟獄及凡小事之訟

西國刑官有李審月審巡審之分 有李審處設於各邑之大鎮李審官由刑部大臣選擇理錢財命盜每歲至少審斷四次國家律士二人或四人佐之就地輪舉十二公正人參斷小事專之大事達於上其下有月審處一曰各邑審事署大邑每邑一審小邑附於大邑月審官由民舉理錢財戶婚及捐賑貧民禁作踐地城阻塞道途每七日一審月審為主李審官會鞫無律士佐治不用十二公正人參斷其斷罪至監禁兩月罰至金錢二十而止大事錄送李審或巡審上下審事院職總於刑部大臣而別設巡審官主治內外訟獄譯為巡按或按察司職專聽斷上無所統皆優於按察權重視巡按為律士仕宦之極地其國家律士封爵入上議院者亦可出為巡審

西國巡捕官選法 巡捕由內部主政與刑官相經緯為聯事始為民舉今由官選除議士律士教師塾師文職武弁醫士不選其餘皆選選而不願充者罰出財如捐免惟獵戶沽販及曾犯罪禁者不在此例分地段設巡捕官分治官有四等一總統二統領三副統領四監巡

西國巡捕職守 巡捕皆戎裝更番而代人帶一哨有急召鄰鋪巡捕相助吹哨則聞聲必至凡奉符捕人得毀門而入拒捕格殺勿論拒傷巡捕至死無首從皆論抵途人不助捕有罰各邑巡捕審事官每日聽訟斷罪至監禁兩月罰至金錢二十而止大事則錄詞達於李審巡

西官得自舉其屬 各署長官皆得自舉其屬自最卑之秩始積年勞可擢至屬吏首領有才能建白屬地方有司者內部得舉以為刑政官之長屬疆吏者藩部得舉以為疆吏之長屬使職者外部得舉以為總關稅務及公使有賢勞者相得舉以為各部長官武職皆出於武備學院考成政由府舉授武職水師舉於海部陸軍舉於兵部部大臣則舉由者相。

西官晉接尚簡易 外國官制各司其事各有其權無尊卑管轄分際但以位之輕重限其權之大小惟各部長於所屬部司軍將於所管營職事必秉承勢相統轄略如中國之制此屬皆由其長自辟故黨緣奔趨諂迎傾軋之風亦甚特其教尚平等治尚簡易其於晉接應對關白議事亦自進退裕如無跼促束縛隔閡之弊俄國設官多倣中朝 俄京之設內閣及各部院與中朝雖不盡同而大致略似其治高祭司新藩改土歸流即放我治苗疆之法凡舊日苗長予以隆號美稱而悉歸約束但使衣粗食稅長養子孫即土知州土知縣之意平居衣仍舊式至願自効者亦如中國先給品階或積功至提督其服一遵時制矣

俄會計官昉周禮 外國皆以首相兼戶部筭度支得周官冢宰制國用之意俄國有總司會計官正如周禮之司會

俄官有專司 往謁俄相吉爾斯與其屬吉納韋甫所謂文牘總辦者同見謂將游歷何所應先分別告知如觀礮台各廠當為行文海部如觀陸軍當為行文兵部如觀大學院教堂當為行文教部

俄多冗員 俄君右武比歲添兵張皇師旅近有增設武職之議俄人嘗云其國提督官如恒河沙數宜加陶汰豈可再增

俄官分四大會 俄朝有四大會一曰國會其會分三班一議律法一議文事一議度支平時各主各事有交涉亦得會議大都頒政法令修改章程仰意承旨介於國王與軍機之間一曰政會主行政定案獻可替否為刑名之總滙每會中有王者即所謂律例師也此會以法律為主並稽查度支調派職員規練國王一曰聖會總理教會事務主此會者名教督教內三等大員俱隸屬焉一曰部官部分十一具首部稽查王家事

件。其次有外部有兵部有海部有內部有文部有戶部有義部有王產部有工部有報銷部。每部皆有副員襄代。其職部官。如有疏陳許直達國王。不由軍機核轉。軍機分四班。首班領二三班主對揚獻替。次主津法。次主行軍偵探。間謀機務。次主文教。

俄置藩部官。荒寒不毛之地。未分部落。每藩部置總督一人。均有僚屬。每郡分州與縣鎮。各有差。邑宰貳尹。

由百姓公舉。薪俸無多。有地方錢糧。以為考成焉。

英國職官大略。英都各大臣衙門。有曰霹靂斐空。訴者樞府也。丞相而外。大臣為李志明。地有曰羅德伯里。

斐里樂者。司聖印也。大臣為堅爾勘士。有曰呵支亞非士者。理本國事務。冢部也。總管為哥羅士。有曰福林。

亞非士者。理各國事務。外部也。總管為丞相德爾秘。有曰印度亞非士者。印度部也。總管為索拉司福。有曰。

哥羅尼亞爾亞非士者。理屬國也。總管為堪那萬。有曰揭爾亞非士者。治陸兵者也。總管為哈爾狄。有曰按。

末地者。治水師也。總管為注兒恒德。有曰那思格德者。司出納者也。總管為諾思克達。有曰博爾地亞夫得。

黎地者。理貿易也。總管為阿達利。有曰卜士地亞非士者。官信局也。總管為馬納斯。各設有幫辦四人。屬官。

數人。十二點鐘後治事。六點散歸。又西歷五月二十日起。至三十日不治事。惟禮儀無專官。隸於冢部百工。

各司其事。亦無總辦者。刑司以律例與國君抗衡。教師以教與國君抗衡。其尊崇均若特席。非老死不易。

英重武職不重文職。外埠總督以武職為之。武職可補文官。文官不能攝武職。蓋入官之始。咸先讀書。天文。

地理算法各載籍。人人自幼誦習。既長願就文者。隨所長而用之。願就武者。則入武學。講求兵法技藝。凡數。

年拔其尤。置諸行陣。以歷練之。然後授職。

英官不相撓越。英吉利官制。各為一途。不相撓越。其外差者。繙譯官仕。至總領事為止。咸妥瑪由繙譯升公。

使。係屬破格。參贊隨員仕至公使而止。撤歸後。惟給半俸。終身閒居。有他國使命或重遣之。斷不予內地各職。

英立辦事衙門。凡立數衙門辦事。曰總理庶政。曰總理度支。曰專司出納。曰主商賈事。曰主戰事。曰主納稅。

餉。曰主兵船事。曰主阿部事。

英機密處 國中政刑財賦及與列邦盟會戰守商賈出入貨稅公司領事兵船軍士各地方事宜分立官員共襄庶政號機密處又言執政者朝廷用人必擇院中所推重者一人為首輔領度支亦任以銓選之職其次即行官長掌上院事外復有五人一治本國事一治列邦事一治屬地事一治軍旅事一治阿蘭事又有專司賦稅者駐防汎地者掌水師事者掌軍器火器者又有掌印度公司事者掌本國商賈事等官者總名之曰機密處

英世爵制度 世爵之制亦略分五等譯者即古封五等之名稱之皆有莊園如采爵與采皆傳長子餘子不與皆有專職如世卿

英官辟除始末 自與民議院始由議院涉用庶官今則由議院入官可升顯仕登政府為首相自羅馬天主教興分遣教士襄理諸國國政始漸興學校由教士擢用如選士今則學校日盛由律師入官可封爵登政府而教士轉衰惟上議院尚有大教師二人教師二十四人然皆專議教務不關庶政自通商地廣增置官署始由各署長官選能自佐存擢大位如辟除今則由本署總辦可擢長官由君舉之可即為首相

英官進身階級 由法學院考成為律師由藝學院考成為藝師由律師政府得舉以任刑官有才能者著績或積年勞為本國政刑官者內部得舉以為刑政官之長若按察司總管為審地刑政官者審部得舉以為

疆吏之長若按察司政務司正副為領事官者外部得舉以為公使有才能者著績首相得舉以為工部大才

能建白君得舉以為首相由藝師商部工部得舉以為工商庶務官若郵政院與稅官有才能者著績首相得舉以部工部得舉以為庶官之長若善舉總管有才能者著績首相得舉以為工部大臣積年勞無失可升授

商部大臣由文學院考成者統格致諸科既不必入仕途才能尤異由阿佳底密大學院眾學士得舉為學士其入仕者或由學部總官府舉為典試官及太學大書院教習或有學業之外兼有治事才首相得舉為學部長官正貳

英參決政事大臣 英國有大臣十八與君主參決政事一曰宰相兼戶部長二曰刑部長三曰總管大臣四

曰掌璽大臣五曰度支大臣六曰內部長七曰外部長八曰藩部長九曰印度部長十曰兵部長十一曰商部長十二曰工部長十三曰海部長十四曰蘭卡司理事大臣十五曰民部長十六曰郵政長十七曰阿爾蘭參贊大臣十八曰副總辦皆由首相薦授

英首相進退 諸人有過責在首相一人不合於首相則其人告退首相不合於衆人則首相退與議院相持不合則首相率其黨俱退

英舉首相 君主立相兩議院各以其黨推舉君擇一人命為首相則其黨俱進為政府

英官皆出議院 世爵凡五等皆入上議院有才能建白首相得舉以入政府為各部長官舉措洽於議院君得舉以為首相議員多富商之有才能者由民舉入下議院有才能建白首相得舉以為各部長官舉措洽於衆望君得舉以為首相

英倫敦長官規制 惟倫敦地方長官一職譯以為府尹主察倫敦地方官及各獄事簡降少而在官應用費多恒取富商有望者為之俾以私財補官用初受職日沿古制其儀從所費不貲得者以為榮一年而代英巡審及審事官無弊 英格倫及維而司析為八處每處官二人律士數人周巡各邑治其大訟歲或再至或三至旁設特命審事官二人一鞠囚一聽訟巡審未至則此二人代理之主聽訟者律士也佐聽訟者律士也代兩造執訟者亦律士也又有公斷助之參決然否故情無不通而案無遁飾無沉寃之獄

英地方官印審事官 英君亨雷第八時統一二島各部使武將鎮治之因其舊部分疆每部名曰康退所轄

邑鎮名曰爬理司議院定建縣治分并爬雷司置為敵司退克敵司退克地方官如中國知縣由內部選授此外地方官有五職一曰振恤官二曰保衛官三曰學校官四曰營造官五曰稅斂官皆由民舉道光中議院定建府治擇各部大邑名之曰湯計三島為湯二百就地舉首董數人名曰湯康喜爾譯言或為府議紳舉主一邑財用訟獄任一年滿民悅而留任再期而代舊譯為知府府佐其實此官即各邑審事官主治大邑訟獄者

英地方官由民舉

倫敦為英都首邑。亦有地方官一人。譯以為府尹。其官由下等府尹舉。亦民舉也。通率英國地方官。由國授者。每敵司退克一人。計五十七人。由民舉者。每湯一人。計二百人。此外振恤保

衛。學校營造。稅斂官。悉由民舉。以社會為分治。寬鄉一爬理司。分為數社。狹鄉數爬理司。合為一社。每一社率有五官。由民舉。其社分合不常。故官數難準。大約五倍於國設之官。但每社由國設一監察官。統於倫敦。屬於內部。通率民舉之官。六倍於國授。無論民舉國授。皆就其地。取人進退。皆由輿論。無盤踞把持。與貪賊枉法。縱威殃民之事。不司賦稅。監工。故無橫征浮派。食祿有定。缺無肥瘠。而鑽營奔競。賄賂之風。自止。中國今日地方官。口切敝政。皆所絕無。故其國內欣欣有驪虞之效。由其治法。令民自舉。賢能掌其地政。國惟設官以監察。其不法。餘不與焉。合乎周禮。使民興賢。入使長之。使民興能。出使治之之義。

英駐印度官

卡呢格達。設大帥一大員。統轄五印度。全權大臣。便宜行事。夏秋宜駐新拉。印度中以避暑。副帥

一員。駐獨夫嶺。其餘印度諸大員。皆幼年從英國遠來。學習土語。優給俸祿。分任職事。苟無大過。終身不易。其位惟微員末私。及外官親理民事者。可參用土人。多由富厚之家。捐授其職。既三年。遣大臣巡視。以察官吏之賢否。民情之向背。總理刑名者。曰幹角。如中國之臬司。訟詞先由波利司。審訊案情。重大者。乃申詳幹角。英駐新嘉坡官。新嘉坡英置總督。設關權稅。置巡捕廳。設巡邏差。十戶一人。稽查民間。爭鬪賭博。及一切違禁等事。

英鄉鎮舉官

英俗各鄉鎮。皆公舉一人。司地方公事。如古治郡者然。

英城鄉設官

英制酌城鄉大小。各設看司。勒百數十員。

即里長。奧德門數十員。即黨以美亞一員。即大統之

由居民產業多。在其地公議舉充。非富民不得與選。皆無俸祿。凡所轄地段教養之政。詞訟之事。以及興作商賈貿易。奧德門均得舉治。上諸美亞。歲收煤酒牛羊之稅。以為經費。轄下巡役。謂之彪黎士曼。多寡視事之繁簡。倫敦二百名。口糧派。派諸商賈富戶。凡盜賊人命。喧爭鬪毆。一切不法。該役拿解美亞寓所。訊問有暫押犯人之屋。亦備鎖鑰。既訊得實。乃致諸其署。集奧德門。看司勒而會辦焉。凡舉充奧德門。必曾任看司勒。

一年以上者舉充美亞必曾任奧德門七年以上者美亞定一年更替有善政再留一年退位則仍復奧德門之職

英官美亞名義 英吉利美亞之名土人無或解者然英格蘭之倫敦阿爾蘭之德布靈其美亞皆曰羅地美亞羅地者侯伯之稱尊之也倫敦為都城阿爾蘭數十年前別為一國德布靈亦其都城故美亞獨尊猶中國之京兆尹也鄉埠之小者不曰美亞而曰洛羅佛士權與美亞同尤小者曰邁基士德地如事理其尋常爭訟大獄則歸諸刑司不設美亞慮地狹人稀賢紳未易得也

英官樹黨 英吉利宰相之進退視乎百姓之臧否而百官之進退又視乎宰相之進退持其失者多則當國謝去必舉賢能告諸君而代之相既易則各曹長皆易由代相者自置其人以呼應靈動進必羣進退必羣退黨與固結常相傾軋

英官不如紳重 英吉利制官不稱職則輿論可以去其官紳不審義則官權可以去其紳此交相維制之道然黜官易紳難就紳之時多就官就紳之時少

英被黜官不錄用 英吉利緣事黜革之官永不錄用亦不使有謀食之他途譯英國官名 英有官駐克倫伯職視知府其大酋駐開殿譯音似英人稱其大酋曰格浮男譯之猶曰管理人中國人稱之曰總督或曰巡撫皆以意會之云爾

法國職官大畧 法國政治以大統小以尊馭卑以內控外其體制畧同於中國州郡邑鄉分設專官以司民事而其權實總之於上咸尊一律罔敢有違如每一千端即縣則設立一官若中國邑宰之屬為是職者須

先考授律例師

按律例師有二等大者曰律正小者曰律師

蓋欲其明法慎刑決獄聽訟罔有所蔽也凡民間繫瑣案牘悉由其

剖斷苟其中有猶涉疑似不能為之平抑理滯者則代為之詳上憲據法研鞠成為信讞此所以案無留牘獄無滯情也縣屬之鄉鎮另設奇門一員如中國巡檢之屬凡其所設衙署具有專職初不以一官兼攝數事大抵理地方民情者統謂之刑訟衙而其官有大有小如州縣鄉鎮等官者則其小者也其大者則有州

縣上司衙門二十七所。民間有事控於地方官。縣案不斷。或剖析不公。兩造不服。均可復控。諸所轄上司。遍歷二十七所。衙門而後止。然此上係爭鬭盜竊。瑣屑細故也。若值大事巨案。其上有專斷之官。其職位之尊。有若中國之提刑提按察司。各府中均設是衙一所。苟民間有求伸其枉。監免抑之情者。聽其赴愬。每歲四期。每三月一集。開堂會審。鞠案決囚。期無誣屈。並許被控者自選裏公耆。老十有二人。於會鞠時質證。剖斷。惟毋得徇私偏袒。然後鞠者聽兩造之辭。以聽其直曲。捨寡從衆。以為勸懲。其追理商民之公私通負者。則有錢債衙。其官則由縣百姓公舉。三年一任。期滿再舉。但推選雖由衆民。而擇立仍須國主必待俞允。然後施行。凡商民因索逋涉訟者。其數在一千五百福蘭以下。即由州縣上司判斷。若一千五百福蘭以上之案。乃控於錢債衙。為之比追。每府皆由駐房水陸兵丁。苟有犯案者。統歸所主辦理。蓋於每府中特設一衙。以專責成。於巴黎斯京師。所有署衙。不可勝數。凡通國中大小官吏。所斷一切詞訟。均必上聞。其有懸擬未決者。亦皆關白。以定是非。其中辦事人員。均係著名律正。自上下議院之外。所有分立官員。共襄庶政者。有參贊機密處。大臣有執國政大臣。其下有總理庶支者。有專司出納者。有主商賈事者。有主軍旅事者。有生權稅餉者。有專理戶婚田土事者。有治盜賊關駁事者。有兼聽訟獄事者。有治列邦事者。有治屬地事者。觀此則知其職建官。亦能使大小尊卑相統馭。內外相維繫。無畸輕畸重之患也。一曰內部總理庶政。兼攝羣司。其職同於首輔。本國之事咸歸其裁決。一曰外部。凡有列邦交際。往來會盟。聘問咸其所主理。一曰戶部。總理度支。專司出納。國中財賦稅餉之事。皆彼主之。一曰商部。主商賈事。一曰農部。主耕植事。一曰工部。凡軍械火器。修造建築。悉由其所治。一曰文部。主學校事。一曰兵部。主軍旅事。管轄兵丁調遣各處。一曰海部。練水師治戰艦。一曰藩部。主治理屬地事。一曰刑部。主持律例兼理教事。一曰創例院。籌議軍機酌論例法。凡此有十二部。皆以勳爵大員為之。所謂國中貴重之臣也。國有大政。國君與此數人謀之。機要之事亦召之共商。得參謀議。一千八百七十二年。國會別設軍機一職。由上下議院公舉二十八人。統領派十有五人。凡頒詔諭呈疏奏。皆由此四十三人管核。

法國官職多同中國。國中分疆畫界。略如中國之府州縣。均設官以節制之。府有太守。州有刺史。縣有邑令。雖與中國名稱不同。而體制無異。法度號令官出而民遵。無敢違也。每一府中掌錢穀稅賦者。別有數員。各有專司。道路橋梁。專設一官以管轄之。有若中國駐房汎地之員。

法官公舉之弊。法都民衆。因公會選欲舉者。向各行作廠聚工匠。至于百人者。或大學館。至百數十人者。搞以酒一瓶。肉一斤。即囑其聯名具保。而具保者。但知其名。不知其人。祇圖一朝醉飽。遂干國家大政。西法以保薦設官。惟從其衆。不知弊又從此而生。其間室純修。不求聞達者。反寂寂無聞焉。

法置西貢安南官。西貢自屬諸法國。以後設總督兼水師提督一員。又分設六省參辦官十八員。專司徵稅。另有制務官。聽訟師。皆法人也。亦設土官。有督撫使。月俸八十元。有府六十元。有縣三十元。再降則有翁總。有村長。有里胥。悉無俸。各權皆掌於法員。又令安南國王簡一人來為領事。法國亦派人至事南國為通商。各口領事。

法置北圻官。越南向於大省。各置總督。小省各置巡撫。歸總督節制。如甯平。壽伯。隸河內。興安。隸南定。廣安。隸海陽。興化。宣光。隸山西。太原。高平。諒山。三省隸北甯。是也。北圻歸法保護。後越王添設北圻經畧。駐札河內。各省督撫。咸受節制。法置總都護使。或又譯為巡撫。於河內。稽察北圻一切政務。仍歸華印總督節制。即昔日之西貢總督。此外河內海防。海陽。北甯。諒山。高平。保勝。山西。山羅。十城。各置都護正使。海甯。興化。壽伯。興安。陸南甯。平。廣安。太原。宣光。美德。太平。白石。十二城。置諸護副使。

法國職官各署。法京闔城中。所設公署。其大者已不下數十所。如以院稱者。曰樞密院。上下議院。理藩院。博物院。官書院。武備院。司禮院。以局稱者。曰船政錢局。電報局。日報局。印書局。工程局。運河局。巡丁局。善後局。以部稱者。如戶部。工部。郵部。刑部。天文部。國史部。教化部。總理教導。又如內部。管理通國內地事務。外部。管理各國交涉事務。兵部。管陸兵。海部。管水師。商部。理商賈。債部。理國債。衛生部。以司稱者。曰稅務司。地租司。保險司。律例司。專修律例。刑訟師。理民間詞獄。務司。專職以署稱者。曰巴黎斯府署。曰美爾署。國家所設官。

專治地
方公事曰行印署曰恩賞署曰御前收控署

專收御前
上控新樣

德國職官大畧 德意志掌樞密一人。各部亦一人主之。所以一事權也。掌銓政司文柄者。曰內部。司陸兵者。曰兵部。司水軍者。曰海部。司稅課者。曰戶部。司營造者。曰工部。司交涉者。曰外部。司教務醫藥者。曰教部。司耕務。曰農部。司貿易者。曰商部。司禁園者。曰樂部。司驛傳者。曰信部。別設禮官。隨朝執事。辨地方公事。曰地方官。司橋道種樹。清潔街衢。曰審問官。專理詞訟。曰稅務官。專征賦稅。曰戶籍官。專司生死婚姻。曰巡捕官。專管巡察。

美國職官大畧 總統處正副參贊各一員。上議院紳八十八員。參贊一員。總辦一員。下議院紳三百三十二員。總辦一員。外部大臣一員。副外部三員。律師一員。總辦一員。管理出使事務官一員。管理領事事務官一員。繙譯一員。內部大臣一員。副內部二員。總辦一員。戶部大臣一員。副戶部三員。總辦一員。幫辦一員。稅務總專員一員。幫辦一員。派往各埠專員二十五員。看驗各稅關專員五十一員。派往巴拿馬看驗專員十一員。華人禁例事看驗官二十七員。兵部大臣一員。副兵部一員。總辦一員。水師部大臣一員。副水師部一員。總辦一員。郵政部大臣一員。副郵政部三員。總辦一員。律政部大臣一員。總狀師一員。副律政部四員。幫律司六員。總辦一員。農部大臣一員。副農部一員。參贊一員。總辦一員。總察院衙門首領一員。總察院八員。錢債衙門總察院一員。察院三員。總辦一員。幫辦一員。遣使四十三國。所設之官三百三十員。

美國部員歲俸 部員七人。皆伯理璽所簡派。第須上議院核准。然後授職。部院亦各有副其七人。則外部長。戶部長。兵部長。海部長。內部長。信部長。律法部長。歲俸各得銀錢一萬元。合英銀二千磅左右。國主乘命宣猷。英國洋務衙門 美國洋務衙門分六房。各設總司一人。一為使臣房。一為領事官房。主出使外國公使領事官職。一為洋務房。主各國駐美公使領事官交涉事。一為度支房。主銀錢出納。一為文件房。主往來公文書信。錄稿掛號。一為郵報房。主遞送各國文件及電報事宜。

日本官制沿革 內閣總理大臣一。秘書官書記官。奏任判任官。一等至十等為屬官。舊有參事院。正副議長。

議官今改。宮內省宮內大臣一員。次官式部職、書記官、秘書官、大膳職、內藏主殿圖書、內匠主、馬諸陵各寮御料侍醫、華族各局。奏任判任官。又有顧問官及女官。一等至七等。為屬官。舊有內廷職。二年五月置七月廢。留守官。二年五月置。今廢。知事卿、大輔、少輔等官。今改內務省。內務大臣一員。次官、秘書官、參事官。奏任官、判任等官。同為屬官。舊有內國事務科。元年正月十七日置。科置督主之輔佐。之二月三月改內國事務局。督輔如舊。二年四月八日建民部官。置知事、副知事、議定參與等官。七月八日廢改建民部。置卿、大輔、參議等官。四年七月二十七日廢。六年十一月十日置內務省。外務省、外務大臣、次官、秘書官、參事官。奏任判任等官。同為屬官。舊有外國事務局。管外國交際條約、貿易、拓地、育民、後改外國官。管外國交際貿易、疆土、開拓。明治元年九月二十日移外國官。於東京。二年二月二十三日置諸開港通商司。管貿易事務。七月八日廢。外國官置。外務省。管外國交際貿易事。三年二月十五日。管各開港場規則、稅務。四年八月二十八日轉屬大藏省。五月三日置文書司。閏十月二日置大中少。辦務使、正權、大少記。駐劄英法普三國。五年十月改置全權公使、辦理公使、書記官。是年五月二十八日。本省管朝鮮國交際事務。十月十五日置我國上海香港福州三口領事館。大藏省、大藏大臣、一次官、秘書官、參事官。奏任判任等官。同為屬官。舊有會計事務官。元年一月十七日置。科有督有輔。有議定、副總裁、議定參與等官。二月三日改局。官制如前。閏四月二十一日廢局。置官。有知事、副知事等官。二年七月八日廢官。置省。置卿、大輔、參議、官等官。又置造幣寮。管出納諸稅、監督通商鑛山五司。四年二月十五日開造幣寮。十一年十二月改造幣局。為紙幣局。印刷局。十三年五月八日置銀行局。陸軍省、陸軍大臣、一次官、秘書官。奏任判任等官。同為屬官。舊有海陸軍事務科。元年二月三日置。以督主之旋改軍防事務科。置督輔。四月二日廢改置軍務官。置知事、副知事。二年七月八日廢改置兵部省。置卿、大輔。五年二月二十八日廢改置陸軍省。海軍省、海軍大臣、一次官、秘書官。奏任判任等官。同為屬官。元年正月十七日設刑法事務科。二月三日改科為局。閏四月二十一日廢建刑法官。管監察、鞠獄、捕亡三司。二年七月八日廢刑法官。建刑部省。四年七月九日廢改建司法

也。舊置督輔知事副知事大輔卿等今改。文部省文部大臣一次官秘書官參事官奏任判任等官。同為

屬員。四年七月八日置舊有知事副知事。別當大少監大監大輔卿等今改。農商務省農商大臣一次官

秘書官參事官奏任判任等官。同為屬員。十四年四月七日置舊有卿大輔參議少輔等今改。逓信省逓

信大臣一次官秘書官參事官奏任判任等官。同為屬員。元老院議長副議長參事官奏任判任等官。同為屬員。七年七月二十八日

置。七月五日制新法改舊法。警視廳總監副總監參事官奏任判任等官。同為屬員。七年七月二十八日

定司法警察規則。十月四日以警視事務廳臨時建築局事務官奏任判任等官。同始審裁判廳

法長判事奏任判任等官。同五年二月三日置東京開市場裁判所。八月三日裁判所分臨時司法出張府

縣各區五種舊諸侯二百七十五人。藩主每歲領地草高及領地現石多寡不等。所部士卒祿如之。舊公卿

七十八人。二年六月十七日稱公卿廢華族官位。舊祿高現較高多寡不同。華族二年六月十七日廢公卿諸

侯稱華族五爵。公侯伯子男各府縣知事一書記官及奏任判任學校長郡區長等官為屬員。二年七月二

十七日定府縣奉職規則。四年七月十四日廢藩置縣。十月二十八日定府縣官制轄地隨時更改。十六年

增置北海道廳北海道長官一理事官及奏任判任警察教授郡區長等官為屬員。

日本遣外職員 我國公使一領事九書記二交際三領事書記生九英國公使一領事三交際五參事一領

事書記生一俄國公使一領事一書記一交際一貿易一領事書記生二和兼丹公使一書記二法國公使

一領事一書記一交際一貿易四領事書記生一德國公使一領事三書記二交際三奧國公使一領事一

書記一交際三檀香島領事二領事書記生一美國公使一領事二書記二交際一領事書記生三朝鮮公

使一領事四書記三領事書記生二十二義國公使一領事四書記一交際二參事二比國領事二

日本官署考 內閣賞勳局法制局會計檢查院鐵道局記錄局會計局官報局統計局修史局文官試驗局

宮內省侍從職式部職皇太后宮職皇后宮職大膳職內藏寮主殿寮圖書寮內匠寮主馬寮諸陵寮御料
寮侍醫寮調度寮華族局皇族職員宮內顧問官女官學習院華族女學校博物館 外務省官房總務局

騎兵局。取調局。繙譯局。記錄局。會計局。無任所。外交官。外遣職員。內務省。官房總務局。縣治局。警保局。土木局。衛生局。地理局。社寺局。會計局。各集治監。造神宮使。大藏省。官房總務局。主稅局。關稅局。主計局。出納局。國債局。金庫局。銀行局。預金局。記錄局。會計局。造幣局。印刷局。各稅關鑛山局。陸軍省。官房總務局。騎兵局。砲兵局。工兵局。會計局。醫務局。憲兵本部。屯田兵本部。砲兵方面。東京砲兵工廠。大坂砲兵工廠。工兵方面。近衛監督部。各鎮臺監督部。參謀本部。第一局。第二局。第三局。測量局。以上四項。歸參謀本部。大學校。監軍部。副官部。將校學校。騎兵。監砲兵。監工兵。監輜重兵。監砲兵會議。工兵會議。士官學校。幼年學校。戶山學校。教導團。砲兵射的學校。以上均歸大學校。監軍部。近衛東京鎮臺。仙臺鎮臺。名古屋鎮臺。大坂鎮臺。廣島鎮臺。熊本鎮臺。海軍省。官房軍務局。艦政局。小野濱造船所。會計局。吳鎮守府。建築委員。佐世保鎮守府。建築委員。將官會議。造船會。兵器會議。兵學校。機關學校。水路部。督監部。衛生部。醫學校。會計。檢査部。兵器製造所。火藥製造所。主計學校。橫須賀鎮守府。橫須賀造船所。軍港司令部。常備小艦隊。各艦隊。參謀本部。第一局。第二局。第三局。司法省。官房。總務局。民事局。刑事局。會計局。大審院。東京控訴院。大坂控訴院。名古屋控訴院。廣島控訴院。長崎控訴院。宮古館控訴院。始審裁判所。通國省官房。共四十六所。文部省。官房。總務局。專門學務局。普通學務局。編輯局。會計局。帝國大學。法科。大學醫科。大學工科。大學文科。大學理科。大學高等師範學。第一第二第三第四第五高等中學校。東京商業學校。東京職工學校。東高等女學校。音樂學校。訓育學校。美術學校。東京學士會院。農商務省。官房總務局。農務局。商務局。工務局。水產局。山林局。地質局。鑛山局。專賣特許局。會計局。東京農林學校。富岡製絲所。千住製絨所。逖信省。官房總務局。內信局。外信局。東京電信學校。為替置金所。工務局。燈臺局。管船局。會計局。各逖信管理局。各郵便電信局。郵便局。電信局。元老院。臨時建築院。警視廳。書計局。第一局。第二局。第三局。會計局。警察本署。醫務部。消防本署。監獄本署。

日本職官祿制

高等官員祿制。內閣總理大臣。歲計九千六百元。各省大臣。六千元。勅任官。一。等。上。五千元。

下四十五百元二等上。四千元。下二千五百元。奏任官一等上。三十元。中二千八百元。下二千六百元。二等上。二千四百元。中二千二百元。下二千元。三等上。一千八百元。中一千六百元。下一千四百元。四等上。一千二百元。中一千一百元。下一千元。五等上。九百元。中八百元。下七百元。六等上。六百元。中五百元。下四百元。判任官祿制。一。等月計上。七十五元。下六十元。二等五十元。三等四十五元。四等四十元。五等三十五元。六等三十元。七等二十五元。八等二十元。九等十五元。十等十二元。陸軍武官祿制。大將歲計六千元。中將四千二百元。少將監督長軍醫總監三千六百元。參謀官大佐。二千三百五十二元。砲兵工兵大佐軍醫監。二千三百十六元。輕重兵大佐。一等監督。二千二百八十元。步兵大佐。二千二百四十元。參謀官中佐。一千七百五十二元。餘官以次遞減。最少者三百元。海軍武官祿制。大將歲計甲八千元。丙六千元。中將甲五千五百元。乙四千八百元。少將軍醫軍監主計總監甲四千六百元。乙四千。丙三千六百元。大佐奏任。一等機關大監同軍醫大佐同主計大佐同甲三千元。乙二千七百。丙二千五百元。少佐機關。少監藥劑官主計少監甲一千七百。乙一千四百八十。丙一千二百八十。其餘以次遞減。最少者四百元。在外國公使館。陸軍武官祿制。大佐我國三千一百元。俄英法三千七百五元。美德三千七百五元。義奧荷三千六百五元。朝鮮三千一百元。中佐我國二千八百元。俄英法美德三千五百元。義奧荷三千四百元。朝鮮二千八百元。少佐我國三千五百元。俄英法三千二百五十元。美德三千一百五十元。義奧荷三千一百元。朝鮮二千五百元。大尉我國一千九百元。俄英法美德二千二百元。義奧荷二千一百元。朝鮮一千九百元。中尉我國一千六百元。俄英法美德二千一百元。義奧荷二千一百元。朝鮮一千三百元。義奧荷二千一百元。朝鮮一千三百元。

奧斯馬加總官制 國中有三部一外部一兵部一戶部 本國有兵戶二部而無外部 惟兩國交涉有外部 又有總兵部總戶部盟會責外部征戰責兵部糧餉責戶部

奧國官制 奧國設官分職計有八部其一為總部長總理各部事務比於軍機大臣其二內部長其三文教部長比於禮部尚書管文學教會其四戶部長其五商部長其六農部長其七護衛部長其八義部長議院議事八部行事部員責任甚重小有未協議員輒反唇相稽部員雖貴未容自擅焉

奧守船武職 奧統領各礮船有水師提督二人。副水師提督五人。每船千總一人。副總一人。百總八人。副百總二十三人。此平時守船人數也。

匈國官制 行事之權歸諸九部。有總理各部長。護國部長。戶部長。內部長。文教部長。義部長。工部長。農部長。

商部長。附庸部長。又有散秩大臣。

比國官制 官有六部。總部務大臣。戶部長。義部長。工部長。兵部長。內部長。外部長。除有貴臣數員無專司之職。有事則入內閣與王計議。

丹國官制 總部大臣。外部長。內部長。文教部長。義部長。戶部長。陸路兵部長。水師兵部長。部員各有責成。又

有屬地愛斯蘭。

即冰地。

分四屬以領各土派有大臣。總督其地兼理捐務。有公議所二十六人。內有五人係國

王所派其餘二十一人則由百姓公舉。

希臘官制 希臘行政分七部。內部。戶部。外部。義部。文教部。兵部。海部。別有軍機會。即國會。少則十五人。多則

二十五人。由部員派定。王允許乃就職。以十年為限。

意國官制 意大利行政之官。有部官首領。戶部長。外部長。文部長。工部長。兵部長。海部長。商部。農部長。內部

長。義部教部長。

荷蘭官制 荷蘭行政之部有七。內部長。戶部長。義部長。屬國部長。外部長。海部長。兵部長。各員俸銀。歲得一

千磅。王每於部員間。諮度政務。部有議親王諸人亦預之。又有國會十四員。出身部員。練達諸務。有事王必

諮詢之。

葡國官制 葡萄牙行政歸部員。兵部長。內部長。義部教部長。工部長。海部屬國部長。戶部長。外部長。遇國有

要務。王與閣臣諮度。閣臣計十六員。

日國官制 西班牙置部官。公舉一人。總其成。餘則外部長。內部長。戶部長。兵部長。海部長。義部長。新疆部長。

工部通商部文部長。